



Rektorteam Vars / Jannok Nutti

Válgaprográmma 2023-2027



Govven: Ávvir/ Iselin Skum, Johtti Productions Ánne Kátja Gaup

Moai letne Laila Susanne Vars (*Inguna Susánna Elle Márjja Láilá Susánna*) ja Ylva Jannok Nutti (*Ivvára Jonne Ylva*), ja letne rektorválggaide fas searvan go háliidetne leat fárus ovdánahttimen áidna sámegielat alitoahppo- ja dutkanásahusa máilmmis. Moai áigo návccaid bidjat dasa ahte Sámi allaskuvla galgá bissut iešheanalaš sámi ja eamiálbmotásahussan. Sámi allaskuvla lea njunuš, čohkkejeaddji ja geasuheaddji ásahus gos leat nanu gelbbolašvuodabirrasat. Sámegielat, sámi árvvut ja árbevirolaš máhttu leat vuodđun buot min doaimmaide.

Dán prográmmas beasat oahpásnuvvat munno áigumušaiguin boahpte rektoráigodahkii. Muitaletne maid oanehaččat maid mii ovttas leat čađahan ja johtui ožžon vássán áigodagas. Sávve dii jienastehpet munno vai besse joatkit jodiheamen Sámi allaskuvlla ovttas min čeahpes jodiheaddjiiguin, bargiiguin ja studeanttaiguin!

Sádde áinnas jearaldagaid munnuide dahje fina munno ságain. Sáddes dieđu deike lailas@samas.no dahje ylvajn@samas.no



Namuhetne muhtin doaimmaid maid leat bidjan johtui vássan áigodagas:

- Mii leat bargan olu nannen dihte allaskuvlla **oinnolašvuoda ja studeantarekrutterema**, sierra rekrutterenplána ja ođđamállet rekrutterenfilmmit leat ráhkaduvvon
- Mii leat **Studeantaviesu ásaheamen** ja dat galgá leat doaimmas 2023 čavčča
- Mii leat nannen **studeantastivrra** mielváikkuheami ja bargobirrasa ja **studeanttaáittardeaddji** lea sajis
- Mii leat ásahan fásta **ovttasbargočoahkkimiid Sámedikkiin** guktii jagis man bokte leat buoridan gulahallama Sámediggeráđiin áššin gos dárbbasit Sámedikki doarjaga
- Mii leat **odda strategiijain** bargan dárkilit, ja **gulahallan miehtá Sámi ásaheame** go hábmiimet strategiija
- Mii leat **ovdánahttinsoahpamuša** hábmen ovttasráđiid Máhttodepartemeanttain, mas leat **studeantta ja bargiidrekrutteren válđoáŋgiruššansuorggit ja** mii deattuha ahte Sámi allaskuvla lea guovddázis huksemen máhttovuodu man sámi servodagat dárbbasit servodagaid rievdamiin ja nuppástuhttimiin
- Mii leat ovddidan Sámi allaskuvlla **fágalaš áigumušaid ja ruhtadárbbuid** Davviriikalaš Ministtarráđđái, Máhttodepartementii ja eará departemeanttaide ja eiseválddiide. Evttohan ahte Sámi allaskuvla berre boahteáiggis ruhtaduvvot maiddá Suoma ja Ruotabeale eiseválddiid bealis. Mii leat muđui árijalaččat ovddidan Sámi allaskuvlla oainnuid iešguđet gulaskuddamin
- **Oahpuid kvalitehta ja prográmmaid jodiheapmi** lea dehálaš, mii leat čađahan árvvoštallamiid ja ođasmahtán oahpuid vai dat geasuhit eanet studeantaid. NOKUT lea čađahan bearráigeahču ja lea addán buriid máchahemiid Sámi allaskuvlla kvalitehtavuogádhakii
- Mii leat organisašunovdánahttin proševtta čađahan, ođđa goahtestruktuvra lea sajis ja sajáiduvvagohtán. Mii leat bargan siskkáldas gulahallamin vai buohkat galget leat **oadjebasat ja dovdat ahte sin gelbbolašvuolta lea mávssolaš**
- Mii leat ásahan **fágaforumiid** nannen dihte fágalaš gulahallama ja ovttasbarggu
- Mii leat bargan jodiheaddjjoavkku nannemin. Mii leat ásahan **fágajodiheddjiide sierra orgána** ja leat johtuividjan barggu mas lea ulbmil doarjut min **fágabargiid gelbbolašvuodanannema**, vai ee. eanebut kvalifiserejit vuosttašvirggehassan ja professorin
- Mii leat nannen dutkanhálddahusa vai dat **beaktilit doarju min fágabargiid dutkanbargguid ja ruhtaohcanproseassaid**
- Mii leat ásahan **oahppobiraslávdegotti** gos studeanttat leat fárus mearrideamen doaimmaid mat nannejit sin oahppobirrasa. Sierra oahppobiras doaibmaplána lea ráhkaduvvon



- Mii leat čađahan guorahallama mot allaskuvla buorebut oláhivččii **olles Sápmái** ja mearridan ahte ásaht oahppo- ja bargosajiid eará sámi guovlluide jus dasa gávdnat sierra ruhtadeapmi
- Mii leat **vuoitán ollu fágalaš fálaldatgilvvuid** ja mis leat **mánnga stuora dutkan- ja ovdánahttindoaimma čađahuvvon**, omd. Rievdan,-, Landscape Practises,- AIDA,- Sámi mánáid giella,- ja SáMOS prošeavtta. Mii leat álggahan dutkanprošeavtta mas dutkat rasimma maid boazodoallonuorat vásihit
- Mii leat ossodagain čađahan sierra hálddahušlaš **ovdánahttinbargguid buriid bohtosiiguin**, ovdamearkka dihte oahppo- ja dutkanhálddahušas
- Mii leat ásahan **ovttasbargosoahpamušaid eará universitehtaiguin ja sámi suohkaniiguin** olahan dihte min strategiijaid
- Mii leat ohcan viiddidit **Sámi ofelašdoaimma** ja ohcan ásaht **gealboguovddáža** mii galgá veahkkin nannet sámi sisdoalu profešunoahpuin nationála dásis
- Midjiide lea ovddasvástádus sirdojuvvon OsloMetas sámi **dulkaautoriseremiid ja guovttegielatiskosiid čadaheamis** sierra juolludeami bokte
- Mii leat **Sámi girječállioahpu** ásahan allaskuvladási oahppofálaldahkan ja ruhtadeami dasa ožžon
- Mii leat mearridan ahte **bargoveahkaplána ja oahpuid guhkesáiggeplána** galgá ođasmahttojuvvot vai mis lea **kontinuitehta** ja nanu vuodđu strategiijaid beaktilis čuovvoleapmái

Muhtin áigumušat boahte áigodagas, moai áigo vuoruhit:

- Sámi allaskuvla galgá **iešheanalaš eamiálbmotásahussan bissut ja ovdánit sámi universitehtan**, mii galgat ain vuoruhit searvat WINHEC, WINU ja UArctic ovttasbargguide
- Eanet **beaktilit bargat studeanttarekrutteremiin min oahpuide** miehtá Sámi, moai oidne vejolažžan eanet ruhtadeami rekrutteremii háhkat ja čatnat vel eanet ovttasbargguid eará ásahusaiguin dán olis. Mis galget oahput main lea **alla kvalitehta**, mat leat mielde gokčame gelbbolašvuodádarbbuid sámi servodagain
- Joatkit ovddidit **buori bargo- ja oahppobirrasa** vai allaskuvla lea geasuheaddji bargo- ja oahppobáiki. Áigo sihkkarastit **mielváikkuheami** bargiide ja studeanttaide allaskuvllas buot proseassain ja vel eambo bargat siskkáldas gulahallama buoridemiin. Lasihit sihke fágalaš ja sosiála lágidemiid, erenoamážit Diehtosiiddas
- Min seniorpolitihkain eanet bargat, emeritus- ja emerita soahpamušaid heivehit vai min **láidesteaddjit geat leat ásahan ja huksen min ásahusa livčče árjjalaččat ain fárus** min doaimmain maid maŋŋil go luhpet allaskuvllas



- Joatkit bargat garrasit Sámi allaskuvlla **strategiija čuovvolemiin ja ekonomii ja min rámmajuolludeami nannema bokte** vai ruhtadilli ii ráddje min doaimmaid
- Beaktilit čuovvolahttit strategiija áigumušaid iešguđet ossodagaid, gođiid ja Sámi lohanguovddáža dáfus. Fága- ja hálddahušlašbargiid rekrutteret ja bisuhit fágagelbbolašvuoda allaskuvllas
- Buoridit hálddahušlaš ja fágalaš doarjaga **Sámi allaskuvlla áidna PhD prográmmii**, Sámeielas ja girjjálašvuodas
- Joatkit nannet **Sámi lohanguovddáža doaimmaid** ja ođasmahttit ja ovdánahttit oahpponeavvoportála Ovttas.no
- Eanet **geabbilis ja neahttavuđot oahpuid** fállat, ja viiddidit min **sámeziela álgokurssaid** vai studeantalohku lassána ja vai mii gokčat servodaga máhttodárbbuid
- **Joatkit nannet min gulahallama sámi servodagain ja allaskuvlla oinnolašvuoda**. ee. ođastit ja buoridit min neahttasiiddu, vai diehtjuohkin šaddá eanet beaktit. Sosiála mediaid geavaheami nannet
- Čuovvolahttit lávdegotti mii evttoha **rievdadit akkrediterengáibádusaid**, vai diet gáibádusat buorebut vuhtiiválddásse Sámi allaskuvlla dárbbuid ja dili
- **Nannet alla kvalitehta dutkamis ja ovdánahttinbargguin** mat addet fágalaš vuodu SA oahpuide ja leat ávkkálaččat sámi álbmogii, sámi ášahusaide, ealáhusaide ja báikegottiide.
- Joatkit bargat **dutkanjodiheami nannemin**, ja nannet hálddahušlaš doarjaga fágabirrasiid áigumušaide. Eanet dutkanprošeavttaid oažžut johtui ja sámi dutkiidskuvlla ášahit
- **Sámi diedalaš áigečállaga ja Dieđut** ruhtadeami sihkarastit ja movttiidahttit fágabargiid čállit eanet sámezielat fágačállošiid
- **Stipendiáhtaide ášahit buoret čuovvoleami ja lasi bagadeami** jus lea dárbu dasa
- Movttiidahttit studeanttaid **lonohallamiidda vuolgit**, eandalii eará eamiálbmotguovlluin
- **Sámi dulkaoahpu ja sámi musihkka ja luoteoahpu** plánaiguin joatkit, gulahallat ovttasbargoguimmiiguin ja gávdnat bastevaš ruhtadeami ohppui, earret eará oahpposajiid ruhtadeami bokte
- **Campusplána** barggu ain vuoruhit vai Diehtosiidda areálat heivejit allaskuvlla doaimmaide, ja oažžut sadjái **árbevirolaš sámi huksehusaid olggobeale Diehtosiidda**.
- Ávvudit **Sámi Instituhta 50-jagi ja Sámi ofelašdoaimma 20-jagi** fágalaš seminárain ja ávvudoaluiguin jagis 2024